

萬 有 文 庫

第二集七百種

王 雲 五 主 編

律 呂 正 義

(四十五)

清康熙 乾隆 敕撰

義正呂律

(四十五)

撰敕隆乾熙康清

書叢本基學國

御製律呂正義後編卷之一百二

樂章考

宗廟一

漢

東漢

魏

晉

宋

齊

梁

陳

北齊

周

歷代宗廟樂章

宗廟之禮尚矣。夏世室。殷重屋。周明堂。所以薦雕簋而承大禋。祀典其重。粵稽王制。天子七廟。三昭三穆。與太祖之廟而七。此廟之制也。又曰。天子殖祫。祫禘。祫嘗。祫烝。此祭之名也。古先聖王。升中告虔。右社稷。左宗廟。膺以蕭合。酌以茅成。敢忘崇報哉。庸或去祧爲壇。去壇爲墮。不免異同。而嚴禋孝饗之誠。萬世一軌。于以奏永安。于以奏王夏。登歌擊拊。載諸周禮。莫或廢也。爰次宗廟樂章于郊祀後。明尊祖之道。正大祭之義。于是乎存。上自漢唐以迄元明。備採闕闕。用

以輔翼周之頌維清。商之衍烈祖可也。

漢宗廟樂章

高祖時。叔孫通因秦樂人。制宗廟樂。大祝迎神於廟門。奏嘉至。皇帝入廟門。奏永至。乾豆上奏登歌。登歌再終。下奏休成之樂。皇帝就酒東廂坐定。奏永安之樂。又有房中祠樂。高祖唐山夫人所作也。周有房中樂。至秦名曰壽人。凡樂樂其所生。禮不忘本。高祖樂楚聲。故房中樂楚聲也。孝惠二年。使樂府令夏侯寬備其簫管。更名曰安世樂。按嘉至永至休成永安等樂詞。漢書不詳。

漢宗廟樂章

案漢書禮樂志曰。安世房中歌十七章。据是卽祠樂也。魏文帝黃初時。改爲正始樂。明帝太和初。繆襲奏稱。省讀漢安世歌。高張四懸。神來燕享。嘉薦令儀。永受厥福。往者謂房中爲后妃之歌者。恐失其意。宜改曰享神歌。又案宋書樂志曰。王粲所造安世詩。今亡。其衆歌詩。多卽前代之舊。然則安世詩。爲宗廟樂章。自漢及魏皆然。或其中分豐草女羅等章。爲房中樂。亦未可定。然無明文。且仍其舊。爲漢宗廟樂章可也。

安世房中歌 十七章

案劉敞曰。此房中歌十七章。推尋文理。不見十七章。疑本十二章。誤爲十七章。又劉奉世曰。桂華美芳。皆二詩篇名。側注在前篇之末。傳寫之誤。遂以冠後。今從劉敞分定十七章。與郭茂倩樂府段落稍異。崇古本也。

大孝備矣。休德昭清。高張四縣。樂充宮廷。芬樹羽林。雲景杳冥。金支秀華。庶旒翠旌。

七始華始。肅倡和聲。神來宴娛。庶幾是聽。粥粥音送。細齊人情。忽乘青元。熙事備成。清思眈眈。經緯冥冥。

我定歷數。人告其心。敕身齊戒。施教申申。乃立祖廟。敬

明尊親大矣孝熙四極爰轅

王侯秉德其鄰翼翼顯明昭式清明罔矣皇帝孝德竟
全大功撫安四極

海內有姦紛亂東北詔撫成師武臣承德行樂交逆簫
勺羣慝肅爲濟哉蓋定燕國

大海蕩蕩水所歸高賢愉愉民所懷大山崔百卉殖民
何貴貴有德

安其所樂終產樂終產世繼緒飛龍秋游上天高賢愉
樂民人

豐草萋女羅施善何如誰能回大莫大成教德長莫長

被無極。

靄震震。電耀耀。明德鄉。治本約。治本約。澤洪大。加被寵。咸相保。德施大。世曼壽。

都荔遂芳。窅窅桂華。孝奏天儀。若日月光。乘元四龍。回馳北行。羽旄殷盛。芬哉芒芒。孝道隨世。我署文章。

桂華馮馮翼翼。承天之則。吾易久遠。燭明四極。慈惠所愛。美若休德。杳杳冥冥。克綽永福。

美芳磴磴。卽卽師象山。則嗚呼孝哉。按撫戎國。蠻夷竭歡。象來致福。兼臨是愛。終無兵革。

嘉薦芳矣。告靈饗矣。告靈既饗。德音孔臧。維德之臧。建

侯之常。永保天休。令問不忘。

皇皇鴻明。蕩侯休德。嘉承天和。伊樂厥福。在樂不荒。惟民之則。

浚則師德。下民咸殖。令問在舊。孔容翼翼。

孔容之常。承帝之明。下民之樂。子孫保光。承順溫良。受帝之光。嘉薦令芳。壽考不忘。

承帝明德。師象山則。雲施稱民。永受厥福。承容之常。承帝之明。下民安樂。受福無疆。

東漢宗廟樂章

案漢明帝定大予樂。用之郊廟上陵者也。而樂章無

傳。蓋當時郊祀。卽用十九章。宗廟亦卽用十七章。特異其名。詞不改也。說見前郊祀。

魏宗廟樂章

案魏武帝平劉表。得漢雅樂郎杜夔。夔老。久不肄習。所得於三百篇者。惟鹿鳴騶虞伐檀文王四篇。餘聲不傳。今宗廟樂章與郊祀樂章皆不可考。蓋文帝旣受漢禪。樂卽承襲漢詞。後明帝改漢房中歌爲享神歌。卽此可證。說見前郊祀。

晉宗廟樂章

武帝受命之初。百度草創。禮樂權用魏儀。遵周室肇

稱殷禮之義。但改樂章而已。夫所謂採漢魏之遺範。覽景文之垂則。鼎鼐惟新。前音不改者。其信然哉。

晉祠廟樂歌

案晉書樂志曰。武帝泰始中。祠廟樂有夕牲歌。迎送神歌。七廟登歌。饗神歌。凡十一章。傳元造。

夕牲歌

我夕我牲。猗歟敬止。嘉豢孔時。供茲享祀。神鑒厥誠。博碩斯歆。祖考降饗。以虞孝孫之心。

迎送神歌

嗚呼悠哉。日鑒在茲。以時享祀。神明降之。神明斯降。旣

祐饗之。祚我無疆。受天之祜。赫赫太上。巍巍聖祖。明明烈考。丕承繼序。

征西將軍登歌

經始宗廟。神明戾止。申錫無疆。祇承享祀。假我皇祖。綏予孫子。燕及後昆。錫茲繁祉。

豫章府君登歌

嘉樂在庭。夔祀在堂。皇皇宗廟。乃祖先皇。濟濟辟公。相予蒸嘗。享祀不忒。降福穰穰。

潁川府君登歌

於邈先后。實司于天。顯矣皇祖。帝祉肇臻。本支克昌。資

始開元。惠我無疆。享祀永年。

京兆府君登歌

於惟曾皇。顯顯令德。高明清亮。匪競柔克。保乂命祐。基命惟則。篤生聖祖。光濟四國。

宣皇帝登歌

於鑠皇祖。聖德欽明。勤施四方。夙夜敬止。載敷文教。載揚武烈。匡定社稷。龔行天罰。經始大業。造創帝基。畏天之命。于時保之。

景皇帝登歌

執競景皇。克明克哲。旁作穆穆。惟祗惟畏。纂宣之緒。耆

定厥功。登此儁乂。糾彼羣凶。業業在位。帝旣勤止。維天之命。於穆不已。

文皇帝登歌

於皇時晉。允文文皇。聰明睿智。聖敬神武。萬幾莫綜。皇斯清之。虎兕放命。皇斯平之。柔遠能邇。簡授英賢。創業垂統。勲格皇天。

饗神歌 二章

案傳元云。登歌歌盛德之功烈。故廟異其文。饗神。猶周頌之有瞽及雍。但說祭饗神明禮樂之盛。七廟饗神皆用之。又案南齊書樂志。但云元

造饗神歌二篇。今肅肅在位。推尋文義。共有三章。乃篇一而章三耳。

曰晉是常。享祀時序。宗廟致敬。禮樂具舉。惟其來祭。普天率土。犧樽旣奠。清酤旣載。亦有和羹。麋羞斯備。烝烝永慕。感時興思。登歌奏舞。神樂其和。祖考來格。祐我邦家。敷天之下。罔不休嘉。

肅肅在位。濟濟臣工。四海來格。禮儀有容。鐘鼓振。管絃理。舞開元。歌永始。神胥樂兮。肅肅在位。臣工濟濟。小大咸敬。上下有禮。理管絃。振鼓鐘。舞象德。歌詠功。神胥樂兮。肅肅在位。有來雍雍。穆穆天子。相維辟公。禮有儀樂。